



## Vita de ploania y de paisc

- **Consei Pastoral/1:** al ven lascé alessi che da les **gran messes de Nadé, Nanü y Santabogna vegnel ince partí fora la Santa Comegnun do messa**, por i ciantadus y d'atri co ne sciafia nia o se stonta da jí dertan messa.
- **Consei Pastoral/2:** pa l'ultima sontada él gnü baié da tigní, tai proscimi agn, les **Madoines ales 22:00**. Denant co tó na dezijiun ôñ aldí ci che la comunité nen ponsa. Porchel é düc der bel enviés da ti lascé alessi a n member dal Consei söa minunga.
- **Iolan de Osta oferta d'Advent (15.12.2019):** 273,28 €.
- **Aziun d'Advent:** la **Schira Jonila dij der bel iolan y Dio s'al páii** de Osts spenores pa l'aziun de solidarité da en domegna por Laura, Lorenz, Sonja y Armin de Marianne Mair Leitner da Pflersch. An á podü i sorandé la bela soma de 800,00 €.
- **20 C + M + B 20:** en **jöbia ai 2 de iener** gnará i **Trei Resc** te nostes ciases a porté la Bona Noela da Nadé y a damané do ofertes por proiec de solidarité sora döt le monn. I Ves enviun entant da ti ciaré al film de prejentaziun dl'aziun "**Aiüt sot a na bona stera**", en San Stefo ales 20:20 sön Rai Südtirol (todesch) y en Nanü ales 20:50 sön Rai Ladinia. Ai 30 de dezember ales 18:00 sarál da odei le film por mituns.
- **Conzert da Nadé** „Schlaf wohl - Ninna nanna“, en **sabeda ai 28 de dezember** ales 18:00 tla dlijia d'La Pli con Irene Clara y Gudrun Mayrl (cianté), Petra Niederwolfsgruber (flaut a bech), Claudia Bianchi (vidora) y Pietro Prosser (tiórba).
- **Iscriziuns ala scolina:** al ven lascé alessi che les iscriziuns por l'ann 2020/21 ven fates te scolina da La Pli le **dedolönesc ai 14 de iener dales 13:00 ales 14:00 y le dedemesaledema ai 15 de iener dales 09:00 ales 10:00**. Al pó gní scrit ete mituns y mitans nasciüs/nasciüdes dal 01.09.2014 cina ai 31.12.2017.



## enformaziuns y termins

**Sorvisc ai Jogn:** le SaJ lascia alessi che i locai dai jogn fora por i paisc sará slüc dal lönesc 23 de dezember cina en lönesc ai 6 de iener. Le zenter dla jonéza SaJ.un a La lla resta slüt i dis de festa. I aodun a düc de beles festes da Nadé y en bun Ann Nö 2020. Che al Ves porti trepa fortüna, sanité y ligreza.

**Comune de Mareo:** al ven lascé alessi che le zenter de reziclaje Ciamaor romagn slüt ai 25 de dezember y ai 1 de iener; i ufizi comunai é slüc en vendres ai 27 de dezember.

**Ocio:** le dr. **Aldo Marcocci** lascia alessi che ai 24 y 31 de dezember ne sarál nia domisdé t'ambulatorio mo danmisdé dales 8:00 ales 11:30.

### Aodanzas:



### A düc canc en bun Nadé con pêsc y ligeza tal cör

Trebo Rosa ved. Brandlechner

\* 23.12.1933

Jan Ellemunter

\* 24.12.1930

y a düc chi co á santennom y complesc i agn cöst'edema

### Impressum:

### Comunicaziuns

### Download plata:

Ploania d'La Pli; redaziun Franz Rigo y Edith Willeit  
cina le **dedemesaledema** sera a Franz Rigo: ☎ 0474 500978 o ✉ ploania@gmx.net  
[www.unitepastorala.org](http://www.unitepastorala.org)



# Plata dla Ploania

## La Pli de Mareo

### Santa Maria dal Bun Consei

Ploian: Signor Klaus Sottsas  
E-mail: [ploania@gmx.net](mailto:ploania@gmx.net)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann A

22.12.2019 - Cuarta domegna d'Advent

n. 4

## La cherdada de Chelbeldio y nosta resposta

📖 **Is 7, 10–14 | Rom 1, 1–7 | Mt 1, 18–24**

### Dal Vangelo do San Mateo:

<sup>18</sup>Con le nadé de Gejú Crist éra stada ensciö: Maria, söa oma, ea nücia empormetüda a Ojep; ciamó denanch'ai roass adöm, s'ára porté pa ch'ara aspetâ n möt – por opra dal Spirit Sant. <sup>19</sup>Ojep, so om, che ea iüst y che n'orea nia la descredité, s'á tut dant de se despartí adascusc da d'era. <sup>20</sup>Ciamó dertan ch'al ponsâ sora, ti él comparí n angelo dal Signur y á dit: Ojep, fi de Davíde, no te temeí da tó pa te Maria por fomena; deache le möt ch'ara aspeta é dal Spirit Sant. <sup>21</sup>Ara metará al monn n möt; a cösc desste ti meter ennom Gejú; deach'al salvará so popul da sü picés. <sup>22</sup>Döt cösc é sozedü, por ch'al s'adempliss ci che l'Idio á dit tres le profet: <sup>23</sup>Ciarede, la vérgine conzepiará, y metará al monn n fi, y an ti metará ennom Imánuel, co ô dí: Dio con nos. <sup>24</sup>Canche Ojep s'á endespré, ál fat, ci che l'angelo dal Signur l'á comané, y á tut söa fomena pra d'el.

### Oraziun dal de (da Madoines)

*Periun! Signur, nosc Dio, te cösta net  
santa nes lomina la derta löm: láscesse tó  
sö y contemplé cösc mister, cina ch'i ne  
podun odei deplen le lominus de töa  
gloria tal ci.*

*Do cösc te periunse por nosc Signur Gejú  
Crist, to Fi, co é Dio y vir y regneia con té  
t'unité dal Spirit Sant por düc i secui dai  
secui.– Amen*

(Lezionar A)



📖 **Letôres dla Festa dla Santa Familia:**

**Sir 3, 2–6.12–14 | Col 3, 12–21 | Mt 2, 13–15.19–23**

**Edema liturgica dai 22.12. ai 29.12.2019**

<b>DOM 22.</b> 08:30	<b>Cuarta domegna d'Advent</b> gran messa por dōta la ploania s.m. en onú de Santa Maria dal Bun Consei	<i>luta, Marian</i> <i>oferta por la ploania</i>
<b>Lön 23.</b>	<i>Jan da Cracau, Ivo</i> <b>de d'oraziun te familia</b>	
<b>Ded 24.</b> → 07:00 → 22:45 → 23:30	<b>VEIA DE NADÉ</b> , <i>Adam y Eva</i> <b>Rorate</b> por la pesc y por i colaoradús dla ploania <b>musiga da Nadé</b> sòn <i>ciampanin/te dljija</i> <b>Madoines</b> y s.m. ciantada solena en onú y de ringraziamont dla Sacra Familia	<i>La Musica</i> <i>La Musica</i> <i>Karl Kempter „Pastoralmesse in G”</i>
<b>Dem 25.</b> 08:30 14:00	<b>GRAN FESTA DAL NADÉ DE NOSC SIGNUR</b> <i>Anastasia, Manuel, Manuela,</i> gran messa ciantada solena por dōta la ploania <i>Karl Kempter „Pastoralmesse in G”</i> espi da festa y benedisciun eucaristica	
<b>Jöb 26.</b> 08:30	<b>festa de San Stefo pröm mártire</b> , <i>Stefania</i> gran messa por † Zilia Daporta ved. Pezzei, Lungiarü s.m. por †† dal Hammerle s.m. por †† Kehrer, Costamesana s.m. en onú de Santa Maria y Sant'Ujöp da Oies	<i>Cor</i>
<b>Ven 27.</b> → 08:30	<b>festa de San Jan apostul y evangelist</b> , <i>Fabiola</i> s.m. sonada do intenziun dla Musiga, benedisciun dal vin s.m. por † sig. Merch Graffonara, ploan s.m. en onú de Santa Maria por la pêsc	<i>La Musica</i>
<b>Sab 28.</b> 10:00 19:30	<b>festa dai mituns inozonc da Betlehem</b> , <i>De fantú</i> s.m. de sopoltōra dal † Hermann Ploner, Corterei s.m. prefestia d'aniversar por † Heinrich Erlacher, Tomele s.m. por †† Jan y Valeria Ellecosta, Gogn s.m. por † Jan Maneschg, da Poz	
<b>DOM 29.</b> 08:30	<b>FESTA DLA SANTA FAMILIA</b> <i>Davide, Tomesc Becket, Lothar, Tamar</i> gran messa por dōta la ploania 2 <sup>a</sup> s.m. de sopoltōra por † Hermann Ploner y <b>corona dla comunité</b>	<i>oferta por la ploania</i>
<i>ampola:</i>	por les Püres Armes	
<i>ministronc:</i>	→ dedolōnesc y domegna: Jonas y Francesco → jōbia, sabeda y domegna: Cecilia y Emilie	
<i>i recordun:</i>	vesco Karl Golser Margherita Vollmann Mühlmann Heinrich Erlacher Margareth (Eta) Baldissera	+ 25.12.2016 + 25.12.2009 + 28.12.2010 + 28.12.2017



**Meditaziun d'Advent** (Papa Francesco, dal Angelus 18.12.2016)

La liturgia dla quarta domegna d'Advent é caraterisada dal “Mister d’amur”, le mister dla vijinanza de Dio al’umanité. Le Vangelo nes mostra dōes porsones, les dōes porsones, co é gnüdes plü de vigne atra trates ete te cōsc mister: la Vergine Maria y so nüc Sant’Ojep.

Maria é presentada tla löm dla profezia “*Ciarede, la vergine concepiará n möt y metaré al monn n fi*”. L’evangelist Mateo nes dij che cōsc é sozedü te Maria, co á concepí Gejú por opera dal Spirit Sant. Le Fi de Dio „ven“ te so gremio por gní porsona y era le tól sō.

Y ci fajunsepa nos? Le tolunse sō? Le lasciunse gní pormez o le sbürnunse demez?

Desco Maria co á con so “I sun la fancela dal Signur” conzedü al Signur dla storia da müde le destin dl’umanité, ensciō podunse ince nos porté pro ala realisaziun de so dessegn de salveza, por nos enstesc y por le monn, sc’i tolun sō Gejú do l’ejempl de Maria y ti jun do vigne de.

L’ater protagonist dal Vangelo é Sant’Ojep. L’evangelist alza fora desche Ojep da su n’é nia bun da se dé na spiligaziun de ci co dess se verifiché dan da sü edli: la gravidanza de Maria.

Rodunt danló, te chel momont de malsügherté y ince de tormont, se fej Chelbeldio pormez – ince a el – con en so angelo a ti tlarí la natōra de che maternité. “... *le möt ch’ara aspeta é dal Spirit Sant*”. Dan da cōsc event straordinar, co endespra te so daete engröm de domandes, se fidel sen daldöt de Chelbeldio y – jenn do a so envit – ne desconescel nia sōa nūcia empormetüda, mo tól con se Maria y la marida. Tolenn sō Maria, tól sō Ojep con coscionza y amur Chel co é gnü concepí te era por opera mirabla de Dio.

Ojep, porsona bona y iüsta, s’ensegna da se fidé dagnora de Chelbeldio co nes ven dampró: Ojep nes ensegna da se lascé condü da d’El con fidonza y obediencia.

Cōstes dōes porsones, Maria y Ojep, co á tut sō por pröms Gejú con fede, nes cundüj ete tal mister dal Nadé.

Maria nes deida da se meter te n comportamont de desponibilité por tó sō le Fi de Dio te nosta vita concreta.

Ojep nes dá la sbürnla da cherí dagnora la orenté de Chelbeldio y da la fá plens de fidonza.

Entrami dui á lascé sozeder che Chelbeldio se feji pormez.



**Nadé**



*Nadé é gonot na festa dadalt:  
al se fej porchel bun,  
da gní empú’ chic,  
por aldí la usc dal Amur.  
Papa Francesch*

**No sté chit** pa dōta che slecaria fata ia te chi bi papiers da corusc!  
**No sté chit** pa chi sons fins dles ciances da Nadé!  
**No sté chit** dan dal len plen de cianderes co lomina!  
**No sté chit** dan les scincundes co te tól la pêsc dal Advent!  
**No sté chit** dan che cripele che t’as fat!  
**No sté chit, mo vá ennant sòn le tru co te porta da Chel co ô t’encunté proprio te!**